



ს ა ქ ა რ თ ვ ე ლ ო  
ლ ა ნ ჩ ხ უ თ ი ს მ უ ნ ი ც ი პ ა ლ ი ტ ე ბ ი ს მ ე რ ი ა



წერილის ნომერი: 30-302304553  
თარიღი: 14/02/2023

ადრესატი: ლანჩხუთის მუნიციპალიტეტის საკრებულო  
მისამართი: ლანჩხუთი, მ. კოსტავას N37

**ლანჩხუთის მუნიციპალიტეტის საკრებულოს  
თავმჯდომარეს ბატონ ბესიკ ტაბიძეს**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის 1-ლი და მე-2 ნაწილების, „ნორმატიული აქტების შესახებ“ საქართველოს კანონის მე-20 მუხლის მე-4 პუნქტისა და „საქართველოს ზოგადი ადმინისტრაციული კოდექსის“ 63-ე მუხლის შესაბამისად წარმოგიდგენთ „ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილების შეტანის თაობაზე“ დადგენილების პროექტს და აღნიშნულ პროექტთან დაკავშირებით განმარტებით ბარათს.

**1. პროექტის მიღების მიზეზი, მიზანი და არსი**

გაცნობებთ, რომ „ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს 2023 წლის 8 თებერვლის, N12 განკარგულებით დაწყებულია ადმინისტრაციული წარმოება.

ზემოაღნიშნული ადმინისტრაციული წარმოების ფარგლებში „ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილება მომზადებულია, ლანჩხუთის მუნიციპალიტეტის მერიის განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა სამსახურის მოხსენებითი ბარათის საფუძველზე. ცვლილება შეეხება, ლანჩხუთის მუნიციპალიტეტის შესაბამისი სამსახურის მიერ საქართველოს, რეგიონის და საერთაშორისო მასშტაბით ორგანიზებული საგანმანათლებლო, კულტურული, სპორტული და ახალგაზრდული ღონისძიებების მონაწილე გამარჯვებული გუნდისა და ინდივიდუალური მონაწილის ფულადი ჯილდოს ოდენობის განსაზღვრას.

ზემოაღნიშნულის გათვალისწინებით მიზანშეწონილია საკრებულომ განიხილოს და მიიღოს ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის, სამართლებრივი უზრუნველყოფის განყოფილების მიერ მომზადებული შესაბამისი ნორმატიული აქტის პროექტი.

## 2. პროექტის ფინანსური დასაბუთება

ა) პროექტის მიღება არ გამოიწვევს ადგილობრივი ბიუჯეტის შემოსავლების ზრდას.

ბ) პროექტის მიღება გამოიწვევს ადგილობრივი ბიუჯეტის ხარჯების ზრდას, რაც უკვე გათვალისწინებულია მუნიციპალიტეტის 2023 წლის ბიუჯეტის შესაბამის მუხლებში.

## 3. პროექტის ავტორი და საკრებულოს სხდომაზე დანიშნული მომხსენებელი

პროექტი მომზადებულია ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის მიერ. პროექტის განხილვისას მომხსენებლად წარმოგიდგენთ ლანჩხუთის მუნიციპალიტეტის მერიის პირველ მოადგილეს, ეკა გუჯაბიძეს. პროექტის მიღება მიზანშეწონილად მიგვაჩნია საკრებულოს უახლოეს სხდომაზე.

## 4. პროექტის წარმდგენი

ლანჩხუთის მუნიციპალიტეტის მერი.

ალექსანდრე სარიშვილი

ლანჩხუთის მუნიციპალიტეტის მერია-ლანჩხუთის მუნიციპალიტეტის მერი

გამოყენებულია კვალიფიცირი  
ელექტრონული ხელმოწერა/  
ელექტრონული შტამპი



ლანჩხუთის მუნიციპალიტეტის საკრებულო

დადგენილება №

2023 წლის იანვარი

ქ. ლანჩხუთი

**„ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში ცვლილების შეტანის თაობაზე**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის 1-ლი და მე-2 ნაწილების, „ნორმატიული აქტების შესახებ“ საქართველოს კანონის მე-20 მუხლის მე-4 პუნქტისა და „საქართველოს ზოგადი ადმინისტრაციული კოდექსის“ 63-ე მუხლის შესაბამისად, ლანჩხუთის მუნიციპალიტეტის საკრებულო ადგენს:

**მუხლი 1.** „ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილებაში (სსმ ვებგვერდი matsne.gov.ge, 04/02/2021 წელი, სარეგისტრაციო კოდი 190020020.35.112.016439) შევიდეს ცვლილება, კერძოდ: დადგენილების პირველი მუხლით დამტკიცებული დანართის „ლანჩხუთის მუნიციპალიტეტის – განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის“ მე-6 მუხლი ჩამოყალიბდეს შემდეგი რედაქციით:

**„მუხლი 6. გამარჯვებული გუნდის ან/და ინდივიდუალური მონაწილის დაჯილდოება**

1. ლანჩხუთის მუნიციპალიტეტის მერიის შესაბამისი სამსახურის მიერ საქართველოს ან/და რეგიონის მასშტაბით ორგანიზებული - საგანმანათლებლო, კულტურული, სპორტული და ახალგაზრდული ღონისძიებების მონაწილე გამარჯვებული გუნდისა და ინდივიდუალური მონაწილის ფულადი ჯილდოს ოდენობა განისაზღვროს შემდეგი სახით:

ა) გუნდი: I ადგილი - 500 ლარი; II ადგილი - 300 ლარი; III ადგილი - 200 ლარი;

ბ) ინდივიდუალური მონაწილე: I ადგილი - 300 ლარი; II ადგილი - 200 ლარი; III ადგილი - 100 ლარი.

2. ლანჩხუთის მუნიციპალიტეტის მერიის შესაბამისი სამსახურის მიერ საერთაშორისო მასშტაბით ორგანიზებული - საგანმანათლებლო, კულტურული, სპორტული და ახალგაზრდული ღონისძიებების მონაწილე გამარჯვებული გუნდისა და ინდივიდუალური მონაწილის ფულადი ჯილდოს ოდენობა განისაზღვროს შემდეგი სახით:

ა) გუნდი: I ადგილი - 1500 ლარი; II ადგილი - 1000 ლარი; III ადგილი - 800 ლარი;

ბ) ინდივიდუალური მონაწილე: I ადგილი - 900 ლარი; II ადგილი - 800 ლარი; III ადგილი - 700 ლარი.

3. ლანჩხუთის მუნიციპალიტეტის მერიის შესაბამისი სამსახურის მიერ საერთაშორისო მასშტაბით ორგანიზებული, ჭადრაკის, ჭიდაობისა და ფეხბურთის სპორტულ ღონისძიებებში გამარჯვებული გუნდისა და ინდივიდუალური მონაწილის ფულადი ჯილდოს ოდენობა განისაზღვროს შემდეგი სახით:

ჭადრაკის საერთაშორისო ტურნირი

ტურნირი, კატეგორია	I-ადგილი	II -ადგილი	III - ადგილი
8 წლამდე გოგოები	300 ლარი	200 ლარი	150 ლარი
8 წლამდე ვაჟები	300 ლარი	200 ლარი	150 ლარი
10 წლამდე გოგოები	300 ლარი	200 ლარი	150 ლარი
10 წლამდე ვაჟები	300 ლარი	200 ლარი	150 ლარი
12 წლამდე გოგოები	300 ლარი	200 ლარი	150 ლარი
12 წლამდე ვაჟები	300 ლარი	200 ლარი	150 ლარი

ტურნირი კატეგორია	I	II	III	IV	V	VI	VII	VIII	IX	X
მამაკაცთა შორის	900 ლარი	800 ლარი	700 ლარი	600 ლარი	500 ლარი	400 ლარი	300 ლარი	200 ლარი	150 ლარი	100 ლარი
ქალთა შორის	400 ლარი	300 ლარი	250 ლარი							
16 წლამდე გოგოებს შორის	320 ლარი									
16 წლამდე ვაჟთა შორის	310 ლარი									
14 წლამდე გოგოებს შორის	290 ლარი									
14 წლამდე ვაჟთა შორის	280 ლარი									
სენიორები	210 ლარი	160 ლარი								
ურეიტინგო მოთამაშეები	190 ლარი	140 ლარი								

მწვრთნელთა კონკურსი	I	II	III	IV	V
	500 ლარი	400 ლარი	300 ლარი	200 ლარი	150 ლარი

საერთაშორისო ტურნირი ფეხბურთში ვაჟები; გოგონები  
გამარჯვებული გუნდი

სხვადასხვა ასკობრივი კატეგორიაში- 10წ;11წ;12წ;13წ;14წ;15წ 16წ 17წ ასაკის ვაჟები გამარჯვებული გუნდი I II III ადგილზე გასული	I ადგილი 1500ლ	II ადგილი 1000ლ	III ადგილი 800ლ
სხვადასხვა ასაკობრივი კატეგორიაში 10წ;11წ;12წ;13წ;14წ;15წ 16წ 17წ ასაკის გოგონები.გამარჯვებული გუნდი I II III ადგილზე გასული	I ადგილი 1500ლ	II ადგილი 1000ლ	III ადგილი 800ლ

საერთაშორისო ტურნირი ჭიდაობაში ვაჟები ბერძნულ-რომაული; თავისუფალი სტილით

ტურნირი , კატეგორია	I-ადგილი	II -ადგილი	III - ადგილი
ჭაბუკები 15 წონითი კატეგორია.თითოეულ წონით კატეგორიაში გამარჯვებული I II III ადგილზე გასული ინდივიდუალური მონაწილე	300 ლარი	200 ლარი	100 ლარი
უმცროს ჭაბუკთა შორის 10 წონითი კატეგორია.თითოეულ წონით კატეგორიაში გამარჯვებული I II III ადგილზე გასული ინდივიდუალური მონაწილე	300 ლარი	200 ლარი	100 ლარი

**მუხლი 2.** დადგენილება ამოქმედდეს გამოქვეყნებისთანავე და მისი მოქმედება გავრცელდეს 2023 წლის 1 იანვრიდან წარმოშობილ სამართლებრივ ურთიერთობებზე.

საკრებულოს თავმჯდომარე

ბესიკ ტაბიძე